

摘藻堂四庫全書薈要

集部

欽定四庫全書薈要卷一萬七千五百四

集部

御定全唐詩卷九十九

張循之

張循之洛陽人與弟仲之並以學業著名則天時上書忤旨被誅詩六首

巫山高

一作沈
佺期詩

巫山高不極合沓狀竒新暗谷疑風雨陰崖若鬼神月

明三峽曉

一作曙

潮滿九

一作二

江春為問陽臺客應知入

夢人

送泉州李使君之任

傍海皆荒服分符重漢臣
雲山百越路市井十洲人
執玉來朝遠還珠入貢頻
連年不見雪到處即行春

長門怨

一作張修之詩

長門落景盡洞房秋月明
玉階草露積金屋網塵生
妾妬今應改君恩惜未平
寄語臨邛客何時作賦成

巫山

流景一何速年華不可追
解佩安所贈怨咽空自悲

送王汶宰江陰

郡北乘流去花間竟日行
海魚朝滿市江鳥夜喧城
讓酒非關病援琴不在聲
應緣五斗米數日滯淵明

婺州留別鄧使君

西掖馳名久東陽出守時
江山婺女分風月隱侯詩
別恨雙溪急留歡五馬遲
迴舟暎沙嶼未遠剩相思

王暎

王峻滄州景城人擢明經第調清苑尉歷殿中侍御史
出為渭南尉景龍末授桂州都督累遷太僕少卿隴右
羣牧使開元二年襲吐蕃於臨洮以功加銀青光祿大
夫進并州都督長史又以破突厥功拜兵部尚書朔方
軍大總管後代張說為兵部尚書同中書門下三品充
朔方軍節度大使終戶部尚書朔方節度詩一首

祭汾陰樂章

太和

於穆聖皇六葉重光太原刻頌后土疏場寶鼎呈符歆
雲孕祥禮樂備矣降福穰穰

張東之

張東之字孟將襄陽人涉獵經史尤好三禮舉進士賢
良對策第一授監察御史聖歷中為鳳閣舍人弘文館
直學士長安中令舉宰相材以姚崇薦遷鳳閣侍郎知
政事及誅二張兄弟東之首謀也中宗即位以功擢天
官尚書封漢陽王遷中書令為武三思所構貶死集十

卷今存詩五首

大堤曲

南國多佳人莫若大堤女
玉床翠羽帳寶袜蓮花距
魂處自目成色授開心許
迢迢不可見日暮空愁予

東飛伯勞歌

青田白鷺丹山鳳
婺女姮娥兩相送
誰家絕世綺帳前
豔粉紅脂映寶鈿
窈窕玉堂寒翠幙
參差繡戶懸珠箔
絕世三五愛紅妝
冶袖長裊蘭麝香
春去花枝俄易改

可歎年光不相待

出塞

俠客重恩光
驄馬飾金裝
警聞傳羽檄
馳突救邊荒
歛野山川動
囂天旌旆揚
吳鉤明似月
楚劍利如霜
電斷衝吳塞
風飛出洛陽
轉戰磨笄俗
橫行戴斗鄉
手擒郅支長
面縛谷蠡王
將軍占太白
小婦怨流黃
驀裏青絲
騎娉婷紅粉
妝三春鶯度
曲八月鴈成
行誰堪坐愁
思羅袖拂空
牀

與國賢良夜歌二首

柳臺臨新堰樓堞相重複窈窕鳳凰姝傾城復傾國
杏間花照灼樓上月裴回帶嬌移玉柱含笑捧金杯

袁恕已

袁恕已滄州東光人長安中歷司刑少卿預誅二張又
從相王統南衙兵備非常以功為中書侍郎進中書令
封南陽郡王後貶死環州詩一首

詠屏風

綺閣雲霞滿芳林草樹新鳥驚疑欲曙花笑不關春山
對彈琴客谿留垂釣人請看車馬客行處有風塵

劉幽求

劉幽求冀州武強人聖歷中舉制科中第臨淄王入誅
韋庶人幽求預參大策是夜所下制敕百餘道皆出其
手以功授中書舍人睿宗即位行尚書右丞遷吏部尚
書拜侍中開元初改尚書左右僕射為左右丞相乃以
幽求為左丞相後坐怨望貶卒詩一首

書懷

避暑錄云此詩三館昭庫爛冊中檢得幽求非肯安田園者殆出守時憤懣而作

心為明時盡君門尚不容田園迷徑路歸去欲何從

章玄同

章玄同武后時人久視中張錫為相請還廬陵王坐流循州玄同有流所贈詩蓋亦當時貶謫者詩一首

流所贈張錫

黃葉因風下甘從洛浦隈白雲何所為還出帝鄉來

王易從

王易從中宗朝為鄆縣尉張仁愿奏分判軍事詩一首
臨高臺

漢主事祈連良人在高闕空臺寂已暮愁坐變容髮汎
豔春幌風裊回秋戶月可憐軍書斷空使流芳歇

盧僕

盧僕吏部尚書從愿之從父也自聞喜尉入為學士終
吏部員外郎詩十四首

初出京邑有懷舊林

賦生期獨得素業守微班外忝文學知鴻漸鷓鷯間內
傾水木趣築室依近山晨趨天日宴夕臥江海間松風
生坐隅仙禽舞亭灣曙雲林下客霽月池上顏雖曰坐
郊園靜默非人寰時步蒼龍闕寧異白雲關語濟豈時
顧默善忘世攀世網余何觸天涯謫南蠻回首思洛陽
喟然悲貞艱舊林日夜遠孤雲何時還

稍秋曉坐閣遇舟東下揚州即事寄上族父江

陽令

虎嘯山城晚，猿鳴江樹秋。
紅林架落照，青峽送歸流。
流赴淮海征帆下，揚州族父江陽令。
盛業繼前修，文掩崔亭伯，德齊陳太丘。
時哉惜未與，千載且為儔。
憶昔山陽會長懷，東上游稱觴。
阮林下賦雪，謝庭幽道濃。
禮自略，氣舒文轉道，高情薄雲漢。
酣態坐芳洲，接席復連軫。
出入陪華輶，獨善與兼濟。
語默奉良籌，歲月歡無已。
風雨暗颼颼，掌憲時持節。
為邦邈海頭，子人惠雖樹蒼生。
望且留，微躬趨直道。
神甸忝清猷，仙臺適西步。
蠻徼忽

南浮宇內皆安樂天涯獨遠投忠信徒堅仗神明豈默
訓觀生海漫漫稽命天悠悠雲昏巴子峽月遠吳王樓
懷昔明不寐悲令歲屬周喟無排雲翮暫得杼離憂空
灑霑紅淚萬里逐行舟

讓帝挽歌詞二首

開元二十九年冬十一月大尉寧王憲薨帝失聲號慟曰

天下兄之天下也固讓於我乃追諡曰讓皇帝

泰伯玄風遠延州德讓行闔棺追大節樹羽冊鴻名地
戶迎天仗皇階失帝兄還聞漢明主遺一作劍泣東平

朝天馳馬絕冊帝 宮祖恍惚陵廟新
蕭條池館古萬

化一朝空哀樂此路同西園有明月修竹韻悲風

第二句
缺一字

十月梅花書贈

君不見巴鄉氣候與華別年年十月梅花發上苑今應
雪作花寧知此地花為雪自從遷播落黔巴三見江上
開新花故園風花虛洛汭窮峽凝雲度歲華花情縱似
河陽好客心倍傷邊候早春候颯驚樓上梅霜威未落
江潭草江水侵一作尋天去不還樓花覆簾空坐攀一向

花前看白髮幾回夢裏憶紅顏紅顏白髮雪泥改何異
桑田移碧海却想華年故國時唯餘一片空心在空心
弔影向誰陳雲臺仙閣舊遊人儻知已樹連冬發應憐
南國氣長春

歲晚還京臺望城闕成口號先贈交親

紫陌開行樹朱城出晚霞猶憐慣去國疑是夢還家風
弱知催柳林青覺待花交親望歸騎幾處擁年華

送蘇八給事出牧徐州用芳韻

相國請出

金鼎屬元方，瓊闈連季常。畏盈聊出守，分命乃維良。曉
騎辭朝遠，春帆向楚長。賢哉謙自牧，天下詠餘芳。

上幸皇太子新院應制

佳氣曉蔥蔥，乾行入震宮。前星迎北極，少海被南風。視
膳銅樓下，吹笙玉座中。訓深家以正，義舉俗為公。父子
成釗合，君臣禹啟同。仰天歌聖道，猶愧乏雕蟲。

奉和李令扈從溫泉宮賜遊驪山韋侍郎別業
風后軒皇佐，雲峰謝客居。承恩來翠嶺，締賞出丹除。飛

蓋松一作雙谿寂清笳玉洞虛窺巖
詳露豹過水略泉魚

鄉入無何有時還上古初伊臯
羞過狹魏丙服麤疎白雪緣情
降青霞落卷舒多慚郎署在輒
繼國風餘

季冬送戶部郎中使黔府選補

握鏡均荒服分衡得大同徵賢一
臺上補吏五谿中雨露將天澤文
章播國風漢庭睽直諒楚峽望清
通馬逐霜鴻漸帆沿曉月空還鳳
池拜照耀列星宮

途中口號

一作郭向詩

抱玉三朝楚懷書十上秦年年洛陽陌花鳥弄歸人

南望樓

去國三巴遠登樓萬里春傷心江上客不是故鄉人

臨川送別

秋郊日半隱野樹煙初映風水正蕭條那堪動離詠

題殿前桂葉

桂樹生南海芳香隔楚一作遠山今朝天上見疑是月中

攀

牛鳳及

牛鳳及長壽中撰唐書劉軻與馬植論史官書嘗稱之
詩一首

奉和受圖溫洛應制

八神扶

一作承

玉輦六羽警瑤谿戒道伊川北通津

一作旌

澗水西御圖開洛匱刻石與天齊瑞日波中上仙禽霧裏
低微臣矯弱翮抃舞接鸞鷲

御定全唐詩卷九十九

欽定四庫全書薈要卷一萬七千五百五

集部

御定全唐詩卷一百

司馬逸客

司馬逸客則天朝嘗從相王北征李乂有詩送之稱為
員外詩一首

雅琴篇

亭亭嶧陽樹落落千萬尋獨抱出雲節孤生不作林影
搖綠波水彩絢丹霞岑直幹思有託雅志期所任匠者

果留盼雕斲為雅琴文以楚山玉錯以昆吾金虬鳳吐
竒狀商徵含清音清音雅調感君子一撫一弄懷知己
不知鍾期百年餘還憶朝朝幾千里馬卿臺上應蕪沒
阮籍帷前空已矣山情水意君不知拂匣調弦為誰理
調弦拂匣倍含情況復空山秋月明隴水悲風已嗚咽
離鷓別鶴更淒清將軍塞外多竒操中散林間有正聲
正聲諧風雅欲竟此曲誰知者自言幽隱乏先容不道
人物知音寡誰能一奏和天地誰能再撫歡朝野朝野

歡娛樂未央車馬駢闐盛彩章
歲歲汾川事簫鼓朝朝伊水聽
笙簧窈窕樓臺臨上路妖嬈歌
舞出平陽彈弦本自稱仁祖吹
管由來許季長猶憐雅歌淡無
味淶水白雲誰相貴還將逸詞
賞幽心不覺繁聲論遠意傳聞
帝樂奏鈞天儻冀微躬一作身
備五弦願持東武宮商韻
長奉南熏億萬年

王紹宗

王紹宗字承烈揚州江都人嗜學尤工草隸家貧常傭

力寫佛經以自給徐敬業逼之不起則天時拜太子文
學累轉祕書少監詩一首

三婦豔

大婦能調瑟中婦詠新詩小婦獨無事花庭曳履綦上
客且安坐春日正遲遲

鄭遂初

鄭遂初萬歲通天中登第詩一首

別離怨

蕩子戍遼東連年信不通塵生錦步障花送一作玉屏

風只怨

一作恐

紅顏改寧辭玉簫空繫書春雁足早晚到

雲中

李崇嗣

李崇嗣則天時奉辰府主簿聖歷中曾奉敕預東觀修書見沈佺期黃口贊序詩三首

寒食

一作沈佺期詩

普天皆滅焰匝地盡藏煙不知何處火來就一作向客一作促

心然

覽鏡

一作李嗣宗詩

人
歲去紅顏盡
愁來白髮新
今朝開鏡匣
疑是別逢

一作逢故

獨愁

聞道成都酒
無錢亦可求
不知將幾斗

一作千

銷得此來

愁

東方虬

東方虬則天時為左史嘗云百年後可與西門豹作對
陳子昂寄東方左史修竹篇書稱其孤桐篇骨氣端翔
音韻頓挫不圖正始之音復覩於茲今失傳存詩四首

昭君怨三首

漢道方

一作今一作初

全盛朝廷足武臣何須

一作煩

薄命妾辛

苦事和親

揜淚

一作涕

辭丹鳳銜悲向白龍單于浪驚喜無復舊時

容

胡地無花

一作青

草春來不似春自然衣帶緩非是為

一作

覓

腰身

春雪

春雪滿空來觸處似花開不知園裏樹若箇是真梅

張楚金

張楚金年十七與兄越石同以茂才擢第歷秋官尚書
詩一首

逸人歌贈李山人

上有堯兮下有由
眠松陽兮漱潁流
其貌古其心幽
浩歌一曲兮林壑
秋道險可驚兮人
莫用樂天知命兮
守巖洞時擊磬兮
嗟鳴鳳吾欲知往
古之不可追自悠悠
於凡夢

房融

房融河南人則天時為相神龍元年貶死高州好浮屠法嘗於嶺外筆受楞嚴經詩一首

謫南海過始興廣勝寺果上人房

一作過韶州廣界寺

零落嗟殘命蕭條託勝因方燒三界火遽洗六情塵隔
嶺天花發凌空月殿新誰令鄉國一作終
一作終終一作從
此學分身

呂太一

呂太一景雲中為洹水令魏知古表奏之又嘗與中書
舍人苗延嗣考功員嘉靖侍御史崔訓皆為張嘉貞所
薦時語曰令君四俊苗呂員訓詩一首

詠院中藜竹

太一拜監察御史裏行自負才華而不即真因詠院中藜竹以寄意

馬

擢擢當軒竹青青重歲寒心貞徒見賞籜小未成竿

張紘

一作
泫

張紘久視中登第與呂太一同官監察御史後自左拾
遺貶許州司戶詩三首

和呂御史詠院中藂竹

聞君庭竹詠幽意歲寒多歎息為冠小良工將柰何

閨怨

搜玉集作
張炫詩

去年離別雁初歸今夜裁縫螢已飛征客近

一作未來
一作去來

音信斷不知何處寄寒

邊一作衣

行路難

君不見溫家玉鏡臺提攜把握九重來君不見相如綠
綺琴一撫一拍鳳凰音人生意氣須及早莫負當年行
樂心荆王奏曲楚妃歎曲盡歡終夜將半朱樓銀閣正
平生碧草青苔坐蕪漫當春對酒不須疑視日相看能
幾時春風吹盡燕初至此時自為稱君意秋露萎草鴻

始歸此時衰暮與君違
人生翻覆何常定
誰保容顏無是非

鄭蜀賓

鄭蜀賓滎陽人善五言詩長壽中終縣尉詩一首

別親朋

唐新語云蜀賓老為江左一尉親朋餞於上東門賦詩酒酣自詠聲調哀感竟

卒於

官

畏途方萬里
生涯近百年
不知將白首
何處入黃泉

御定全唐詩卷一百

欽定四庫全書蒼要卷一萬七千五百六

身部

御定全唐詩卷一百一

宋務光

一作宋先

宋務光字子昂一名烈汾州西河人舉進士及第調洛陽尉遷右衛騎曹參軍神龍初上封事直諫不省俄以監察御史巡察河南道考最進殿中右臺御史詩一首

海上作

曠哉潮汐池大矣乾坤力浩浩去無際
汙汙深不測朋

騰翕衆流決滂環中國鱗介錯殊品氛霞饒詭色天波
混莫分島樹遙難識漢主探靈怪秦王恣遊陟搜竒大
壑東竦望成山北方術徒相誤蓬萊安可得吾君略仙
道至化孚淳默驚浪晏一作窮溟飛航通絕域馬韓底
厥貢龍伯修其職粵我邁休明匪躬期正直敢輸鷹隼
執以間一作問豺狼忒海路行已殫輜軒未皇息勞歌玄
月暮旅睇滄浪極魏闕渺雲端馳心附歸翼

李景伯

李景伯懷遠子景龍中為給事中遷諫議大夫中宗嘗
宴侍臣及朝集使酒酣令各為回波辭衆皆為諂佞景
伯獨不然蕭至忠稱之曰此真諫官也終散騎常侍詩
一首

回波辭

回波爾時酒卮微臣職在箴規侍讌既過三爵喧譁竊
恐非儀

李行言

李行言隴西人兼文學幹事中宗時為給事中能唱步
虛歌七月七日兩儀殿會宴帝命為之行言於御前長
跪作三洞道士音詞歌數曲時論鄙之詩一首

秋晚度廢關

秦郊平舊險周德卷遺黎始聞清夜柝俄見落封泥物
色來無限津途去不迷空亭誰問馬閒戍但鳴鷄山月
寒彌淨河風曉更淒贈言楊伯起非復是關西

郭利貞

郭利貞神龍中為吏部員外賦上元詩與蘇味道崔液
並為絕唱詩一首

上元

九陌連燈影千門度

一作編

月華傾城出寶騎
匝路轉香車

爛熳惟愁曉周游不問家
更逢清管發處處落梅花

元希聲

元希聲河南人七歲善屬文舉進士累官司禮博士預
修三教珠英景龍初進吏部侍郎集三十卷今存詩八

首

贈皇甫侍御赴都八首

東南之美生于會稽牛斗之氣蓄于昆溪有瑤者玉連
城是齊有威者鳳非梧不棲

猗嗟衆珍以况君子公侯之胄必復其始利器長材溫
儀峻峙

道心惟微厥用允塞德輝不泯而映邦國靜以有神動
而作則九臯千里其聲不忒

粵在古昔分官厥初刺邪矯枉非賢勿居稜稜直指烈
烈方書蒼玉鳴珮繡衣登車

綽綽夫君是膺柱下準繩有望名器無假寵蓋伯山氣
雄公雅立朝正色俟我能者

載懷朋情嘗接閒宴好洽昆弟官聯州縣如彼松竹春
榮冬蒨柯葉藹然不渝霜霰

會合非我關山坐違離鴻曉引別葉秋飛駢駢徐動尊
餞相依遠情超忽歧路光輝

金石其心芝蘭其室言語方間音微自溢肅子風威嚴
子霜質贈言歲暮以保貞吉

李澄之

李澄之尉氏人以五言詩名神龍中蹉跎不過年六十
餘為宋州參軍卒詩一首

秋庭夜月有懷

遊客三江外單棲百慮違山川憶處近形影夢中歸夜
月明虛帳秋風入擣衣從來不慣別况屬鴈南飛

李如璧

李如璧睿宗朝為御史詩一首

明月

三五月華流炯光可憐懷歸

一作君

郢路長逾江越漢津

無梁遙遙永夜思茫茫昭君失寵辭上宮蛾眉嬋娟臥

瓊宮胡人琵琶彈北風漢家音信絕南鴻昭君此時怨

畫工可憐明月光腫臃節既秋今天向寒沅有漪兮湘

有瀾沅湘糾合淼漫漫洛陽才子憶長安可憐明月復

團團逐臣戀主心愈恪棄妻思君情不薄已悲芳歲徒
淪落復恐紅顏坐銷鑠可憐明月方照灼向影傾身比
葵藿

洪子輿

洪子輿睿宗時官侍御史姜晦時為中丞諷劾韋安石
子輿不從詩一首

嚴陵祠

漢主召子陵歸宿洛陽殿客星今安在隱跡猶可見水

石空潺湲松篁尚蔥蒨岼深翠陰合川迴白雲徧幽徑
滋蕪沒荒祠幕霜霰垂釣想遺芳掇蘋羞野薦高風激
終古語理忘榮賤方驗道可尊山林情不變

寇泚

寇泚中宗朝為長安尉張仁愿在朔方奏用分判軍事
開元十三年帝自擇刺史泚由兵部侍郎出守宋州賦
詩祖餞詩一首

度塗山

小年弄文墨不識戎旅難一朝事鞞鼓策馬度塗山塗
山橫地軸萬里留荒服悠悠征旆遠駢駢一何速流月
揮金戈驚風折寒木行聞漢飛將還向臯蘭宿

吳兢

吳兢汴州浚儀人博通經史魏元忠朱敬則深器之薦
其有史才因令直史館神龍中遷右補闕與韋承慶崔
融等撰則天實錄開元中歷修文館學士居史職殆三
十年序事簡要人皆稱之出為荊州司馬以史藁自隨

蕭嵩監修國史奏取兢所撰得六十五卷累遷台洪饒
蘄四州刺史天寶初為鄴郡太守入為恒王傳嘗以梁
陳齊周隋五代史繁雜乃別撰各史又傷疎略卒年八
十餘卒後其子進兢所撰唐史八十餘卷事多紕繆不
逮壯年競家多藏書嘗錄其卷第號吳氏西齋書目詩
二首

永泰公主挽歌二首

穠華從婦道釐降適諸侯河漢天孫合瀟湘帝子遊關

睢方作訓鳴鳳自相求可歎凌波迹東川遂不流

舜華徂北渚宸思結南陽
盞綬哀榮備游軒寵悼彰
三川謀遠日八水宅連岡
無復秦樓上吹簫下鳳凰

御定全唐詩卷一百一

欽定四庫全書薈要卷一萬七千五百七

其部

御定全唐詩卷一百二

武平一

武平一名甄以字行后族潁川郡王載德子博學通春秋后在時畏禍不與事隱嵩山修浮屠法屢詔不應中宗復位平一居母喪廼召為起居舍人丐終制不許景龍二年兼修文館直學士遷考功員外郎雖預宴遊嘗因詩規戒明皇初貶蘇州參軍徙金壇令既謫名亦不

衰開元末卒詩一卷

妾薄命

有女妖且麗，裴回湘水湄。
水湄蘭杜芳，採之將寄誰。
瓠犀發皓齒，雙蛾顰翠眉。
紅臉如開蓮，素膚若凝脂。
綽約多逸態，輕盈不自持。
嘗矜絕代色，復恃傾城姿。
子夫前入侍，飛燕復當時。
正悅掌中舞，寧哀團扇詩。
洛川昔云遇，高唐今尚違。
幽閣禽雀噪，閒階草露滋。
流景一何速，年華不可追。
解佩安所贈，怨咽空自悲。

奉和登驪山高頂寓目應制

鑿輿上碧天，翠帟拖晴煙。
絕竇紆仙徑，層巖敞御筵。
雲披丹鳳闕，日下黑龍川。
更覩南熏奏，流聲入管絃。

幸梨園觀打毬應制

令節重遨遊，分鑣應綵毬。
驂驔迴上苑，蹀躞繞通溝。
影就紅塵沒，光隨赭汗流。
賞闌清景暮，歌舞樂時休。

奉和幸白鹿觀應制

玉府凌三曜，金壇駐六龍。
綵旒懸倒影，羽蓋偃喬松。
玄

圃靈芝秀華池瑞液濃謬因沾舜渥

一作聖澤

長願奉堯封

侍宴安樂公主新宅應制

紫漢秦樓敞黃山魯館開簪裾分上席歌舞列平臺
馬既如龍至人疑學鳳來幸茲一作忻聯棣萼何以接鄒枚

送金城公主適西蕃

廣化三邊靜通煙四海安還將膝下愛特副域中歡
聖念飛玄藻仙儀下白蘭日斜征蓋沒歸騎動鳴鸞

奉和幸新豐溫泉宮應制

秦王登碣石周后襲崑崙何必在遐遠方稱萬寓尊我
皇順時豫星駕動軒轅雄戟交馳道清笳度國門回輿
長樂觀校獵上林園行漏移三象連營總八屯旌搖鸚
鵡谷騎轉鳳凰原絕壁蒼苔古靈泉碧溜溫參差開水
殿窈窕敞巖軒一作垣豐邑模猶在驪宮迹尚存煙松銜
翠幄雪徑遶花源侍從推玄草文章召虎賁深仁浹夷
夏洪造溢乾坤謬忝王枚列多慙雨露恩

奉和幸韋嗣立山莊侍宴應制

三光回斗極萬騎肅鉤陳地若遊汾水畋疑歷渭濱圓
塘冰寫鏡遙樹露成春弦奏魚聽曲機忘鳥狎人築巖
思感夢礮石想垂綸落景搖紅壁層陰結翠筠素風紛
可尚玄澤藹無垠薄暮清笳動天文煥紫宸

一作北辰

興慶池侍宴應制

鑾輿羽駕直城隈帳殿旌門此地開皎潔靈潭圖日月
參差畫舸結樓臺波搖岼影隨撓轉風送荷香逐酒來
願奉聖情歡一作常不極一作皇歡長遊雲漢幾昭回

常不極

奉和立春內出綵花樹應制

鑿輅青旂下帝臺東郊上苑望春來黃鶯未解林間囀
紅蕖先從殿裏開畫閣條風初變柳銀塘曲水半含苔
欣逢睿藻光韶律更促霞觴畏景催

奉和正旦賜宰臣栢葉應制

綠葉迎春綠寒枝歷歲寒願持栢葉壽長奉萬年歡

遊涇川琴溪

環潭澄曉色疊嶂照秋影幽致欣所逢紛慮自茲屏

夜宴安樂公主宅

王孫帝女下仙臺，金榜珠簾入夜開。
遽惜瓊筵歡正洽，唯愁銀箭曉相催。

奉和聖製韋嗣立山莊應制

鳴鑿赫奕下重樓，羽蓋逍遙向一丘。
漢日唯聞白衣寵，唐年更覩赤松遊。

餞唐永昌

聞君墨綬出丹墀，雙鳥飛來佇有期。
寄謝銅街攀柳日，


無忘粉署握蘭時

御定全唐詩卷一百二

謹案卷九十九第九頁前二行春帆向楚長刊本
長訛常據別本改

卷一百一第三頁後六行溫儀峻峙按語意未足
峙下疑有缺文





總校官庶吉士臣張能照

校對官檢討臣蕭九成

膳錄監生臣周元

膳錄監生臣魏世壽

欽定四庫全書叢要

集部

御定全唐詩卷一百

三至
九

欽定四庫全書蒼要卷一萬七千五百八

集部

御定全唐詩卷一百三

趙彥昭

(趙彥昭)
昭字眞然甘州張掖人少豪邁風骨秀爽及進士
第調南部尉歷左臺監察御史中宗景龍中累遷中書

侍郎同中書門下平章事睿宗立出為宋州刺史入為
吏部侍郎遷刑部尚書封耿國公尋貶江州別駕卒編
詩一卷

奉和聖製立春日侍宴內殿出剪綵花應制

剪綵迎初候攀條故寫真花隨紅意發葉就綠情新嫩
色驚銜燕輕香誤採人應為熏風拂能令芳樹春

奉和人日清暉閣宴羣臣遇雪應制

出震乘東陸憑高御北辰祥雲應早歲瑞雪候初旬庭

一作樹千花發階萱七葉新幸承今日宴長奉萬年春

奉和七夕兩儀殿會宴應制

青女三秋節黃姑七日期星橋度玉珮雲閣掩羅幃河

氣通仙掖天文入睿詞
今宵望靈漢應得見蛾舂

奉和九日幸臨渭亭登高應制

秋豫迎仙覽宸遊轉翠華
呼鷹下鳥路戲馬出龍沙
紫菊宜新壽丹萸辟舊邪
須陪長久宴歲歲奉吹花

奉和九月九日登慈恩寺浮屠應制

出豫乘秋

一作佳

節登

一作憑

高陟梵宮皇心滿塵界佛跡

現虛空日月宜長壽
人天得大通喜聞題寶偈
受記莫

由同

安樂公主移入新宅侍宴應制同用開字

雲物中京曉天人外館開飛橋象河漢懸榜學蓬萊北
闕臨仙檻南山送壽杯一窺輪奐畢慚慙一作棟梁材更思

奉和送金城公主適西蕃應制

聖后經綸遠謀臣計畫多受降追漢策築館許戎和俗
化烏孫壘春生積石河六龍今出餞雙鶴願為歌

奉和聖製登驪山高頂寓目應制

皇情遍九垓御輦駐昭回路若隨天轉人疑近日來河

看大禹鑿山見巨靈開願扈登封駕常持薦壽杯

奉和幸白鹿觀應制

雲駟驅半景星蹕坐中天國誕玄

一作元

宗聖家尋碧落

仙玉杯鸞薦壽寶算鶴知年一觀光華旦欣承道德篇
哭僕射鄂公楊再思

兩揆光天秩三朝奉帝熙何言集大鳥忽此喪元龜坐
歎公槐落行聞宰樹悲

一作萎

壑舟今已去寧有濟川期

人日侍燕大明宮應制

寶契無為屬聖人
琨輿出幸玩芳辰
平樓半入南山霧
飛閣旁臨東墅一作野
春夾路穠花千樹發
垂軒弱柳萬條新
處處風光今日好
年年願奉屬車塵

奉和初春幸太平公主南莊應制

主第巖扃駕鵲橋
天門閭闔降鸞鑣
歷亂旌旗轉雲樹
參差臺榭入煙霄
林間花雜平陽舞
谷裏鶯和弄玉簫
已陪沁水追歡日
行奉茅山訪道朝

奉和幸安樂公主山莊應制

六龍齊軫御朝曦
雙鷁維舟下綠池
飛觀仰看雲外聳
浮橋直見海中移
靈泉巧鑿天孫渚
孝筍能抽帝女枝
幸願一生同草樹
年年歲歲樂於斯

奉和幸大薦福寺

寺乃中宗舊宅

寶

一作瑶
一作初

地龍飛後金

一作今

身佛現時千花開國界萬

善累皇

一作重

基北闕承行幸西園屬住持天衣拂舊石

王舍起新祠
剝鳳迎瑤輦
幡虹駐綵旗
同沾小雨潤竊

仰

一作詠

大風詩

奉和幸長安故城未央宮應制

夙駕移天蹕，憑軒覽漢都。
寒煙收紫禁，春色繞皇圖。
舊史遺陳迹，前王失霸符。
山河寸土盡，宮觀尺椽無。
崇高惟在德，壯麗豈為謨。
茂室留皇鑒，熏歌盛有虞。

奉和幸韋嗣立山莊侍讌應制

賢族唯題里，儒門但署鄉。
何如表巖洞，宸翰發輝光。
地在茲山曲，家臨郤水陽。
六龍駐旌罕，四牡耀旂常。
北斗臨台座，東山入廟堂。
天高羽翼近，主聖股肱良。
野竹池

亭氣村花澗谷香
縱然懷豹隱空愧躡鷄行

奉和元日賜羣臣柏葉應制

器乏雕梁器材非構厦材
但將千歲葉常奉萬年杯

苑中人日遇雪應制

始見青雲干律呂
俄逢瑞雪應陽春
今日迴看上林樹
梅花柳絮一時新

奉和聖製幸韋嗣立山莊應制

廊廟心存巖壑中
鑿輿矚在灞城東
逍遙自有蒙莊子

漢主徒言河上公

秋朝木芙蓉

水面芙蓉秋已衰，繁條偏是著花遲。
平明露滴垂紅臉，似有朝愁暮落時。

侍宴桃花園詠桃花應制

紅葩一作妍競燃一作妍春苑曙，粉茸新吐一作向。
御筵開長年願

奉西王母一作宴近侍慚無東朔才

御定全唐詩卷一百三

欽定四庫全書蒼要卷一萬七千五百九

集部

御定全唐詩卷一百四

蕭至忠

蕭至忠德言曾孫少為畿尉以清謹稱神龍初自吏部員外擢御史中丞遷吏部侍郎掌選事請謁杜絕尋遷中書侍郎兼中書令睿宗立出為晉州刺史先天二年復為中書令與竇懷貞魏知古崔湜陸象先徐堅等撰姓族系錄二百卷書成加爵後坐附太平公主伏誅詩

九首

奉和九日幸臨渭亭登高應制得餘字

望幸三秋暮登高九日初朱旗巡漢苑翠帟俯秦墟寵

極萸房

一作香

遍思深菊酌餘承歡何以荅萬億奉

一作俯

宸居

奉和九月九日登慈恩寺浮圖應制

天蹕三乘啓星輿六轡行登高凌寶塔極目徧王城神
衛空中遠仙歌雲外清重陽千萬壽率舞頌昇平

奉和幸安樂公主山莊應制

西郊窈窕鳳凰臺北渚平明法駕來
匝地金聲初度曲

周堂玉溜好

一作且
又作始

傳杯灣路分遊畫舟轉岸

一作
巖

門

相向碧亭開微臣此時承宴樂
髣髴疑從

一作
尋

星漢迴

送張亶赴朔方應制

以下六首一
作劉憲詩

命將擇耆年圖功勝必全
光輝萬乘餞威武二庭宣
中

衢橫鼓角曠野蔽旌旃
推食天廚至投醪御酒傳
涼風過鴈苑殺氣下雞田
分閫思何極臨岐動睿篇

陪幸長寧公主林亭

公主林亭地，清晨降玉輿。
畫橋飛渡水，仙閣迥臨虛。
新晴看蛺蝶，早夏摘芙蓉。
文酒娛遊盛，忻叨侍從餘。

陪幸五王宅

北斗樞機任，西京肺腑親。
疇昔王門下，今茲制幸晨。
恩來山水被，聖作管弦新。
遶座薰紅藥，當軒暗綠筠。
摘荷纔早夏，聽鳥尚餘春。
行漏金徒曉，風煙是觀津。

三會寺應制

岑堯倉史臺敞朗紺園開戒旦壺人警翻霜羽騎來下
輦登三襲褰旒望九垓林披館陶榜水浸昆明灰網戶
飛花綴幡竿度鳥迴豫遊仙唱動瀟灑出塵埃

薦福寺應制

地靈傳景福天駕儼鉤陳佳哉藩邸舊赫矣梵宮新香
塔魚山下禪堂鴈水濱珠幡映白日鏡殿寫青春甚懽
延故吏大覺拯生人幸承歌頌末長奉屬車塵

陪遊上苑遇雪

龍驂曉入望春宮
正逢春雪舞春風
花光併在天上
寒氣行銷御酒中

李迴秀

李迴秀字茂之涇陽人初為相州參軍後累官鳳閣舍
人長安中同平章事中宗朝終兵部尚書卒贈侍中詩
四首

奉和九日幸臨渭亭登高應制得風字

重九臨商節
登高出漢宮
正逢萸實滿
還對菊花叢
霽

雲開就日

一作曉色

仙藻麗秋風
微臣預在鎬
竊抃遂無窮

奉和九月九日登慈恩寺浮圖應制

沙界人王塔金繩
梵帝遊言從祇樹
賞行翫菊叢
秋御

酒調甘露天花拂

一作亂

綵旒堯年將

一作持

佛日同此慶

時休

奉和幸安樂公主山莊應制

詰旦重門聞

一作開

警蹕傳言太主奏

一作奉

山林是日迴

輿羅萬

一作百

騎此時歡喜賜千金
鷺羽鳳簫參樂曲
荻

園竹徑接帷陰手舞足蹈方無已萬年千歲奉一作薰
琴奏

夜宴安樂公主宅

金榜宮堯雲裏開玉簫參差天際迴莫驚側弁還歸路
祇為平陽歌舞催

楊廉一作庶

楊廉自省郎為給事中詩二首

奉和九日幸臨渭亭登高應制得亭字

遠目瞰秦垞重陽坐灞亭既開黃菊酒還降紫微星簫
鼓諳一作仙曲山河入畫屏幸茲陪宴喜無以效丹青

奉和九月九日登慈恩寺浮圖應制

萬乘臨真境重陽眺遠空慈雲浮鴈塔定水映龍宮寶
鐸含飈響仙輪帶日紅天文將瑞色輝煥滿寰中

韋安石

韋安石京兆萬年人舉明經久視中以鸞臺侍郎同鳳
閣鸞臺平章事數折辱二張三思復相中宗不附太平

公主睿宗時為姜皎所構貶卒詩三首

奉和九日幸臨渭亭登高應制得枝字

重九開秋節得一動宸儀金風飄菊蕊玉露泣萸枝睿
覽八紘外天文七曜披臨深應在即居高豈忘危

紀事
云中

宗九日登高應制二十四人韋安石蘇瓌詩
先成于經野盧懷慎詩後成時景龍三年也

侍宴旋師喜捷應制

蜂蟻屯夷落熊羆逐漢飛忘軀百戰後屈指一年歸厚
春紆天藻深慈解御衣興酣歌舞出朝野歎光輝

梁王宅侍宴應制同用風字

梁園開勝景

一作境

軒駕動宸衷
早荷承湛露
修竹引薰

風九醞傾鍾石
百獸協絲桐
小臣陪宴鎬
獻壽奉維嵩

竇希玠

竇希玠扶風人
中宗時為禮部尚書
開元初太子少傅
開府儀同三司
世為外戚貴盛
莫比詩一首

奉和九日幸臨渭亭登高應制得明

一作英字

鸞輿巡上苑
鳳駕瞰層城
御座丹鳥麗
宸居白鶴驚
王

旗紫桂葉金杯汎菊英九晨陪聖膳萬歲奉承明

陸景初

陸景初蘇州吳人宰相元方子景雲中與崔湜同知政
事睿宗以其能紹先業賜名象先詩一首

奉和九日幸臨渭亭登高應制得臣字

九秋光順豫重節霽良辰登高識漢苑問道侍軒臣菊
花浮秬鬯萸房插縉紳聖化邊陲謐長洲鴻雁賓

鄭南金

鄭南金中宗時人詩一首

奉和九日幸臨渭亭登高應制得日字

重陽玉律應萬乘金輿出風起韻虞弦雲開吐堯日菊
花浮聖酒茱香挂衰質欲知恩煦多順動觀秋實

李咸

李咸中宗時學士詩一首

奉和九日幸臨渭亭登高應制得直字

重陽乘令序四野開晴色日月數初并乾坤聖登極菊

黃迎酒泛松翠凌霜直遊海難為深負山徒倦力

趙彥伯

趙彥伯中宗時弘文館學士詩三首

奉和九日幸臨渭亭登高應制得花字

九日報仙家三秋轉歲華呼鷹下鳥路戲馬出龍沙簪
掛丹萸藥杯浮紫菊花所願同微物年年共辟邪

詩內
第三

四句與趙
彥昭同

從宴桃花園詠桃花應制

本趙彥
昭詩

紅萼競燃春苑曙
羊茸新吐御筵開
長年願奉西王讌
近侍慚無東朔才

苑中遇雪應制

千鍾聖酒御筵披
六出祥英亂遶枝
即此神仙對瓊圃
何煩轍跡向瑤池

于經野

于經野中宗時為戶部尚書詩一首

奉和九日幸臨渭亭登高應制得樽字

御氣三秋節登高九曲門桂筵羅玉俎菊醴溢芳樽
渚歸鴻度承雲舞鶴騫微臣濫陪賞空荷聖明恩

盧懷慎

盧懷慎滑州人第進士歷監察御史遷右御史臺中丞
黃門侍郎開元初進同紫微黃門平章事卒謚文成詩
二首

奉和九日幸臨渭亭登高應制得還字

時和素秋節宸豫紫機闕似聞琴至人疑宴鎬還曠

望臨

一作迷

平野潺湲俯暝灣無因酬大德空此媿崇班

奉和聖製龍池篇

代邸東南龍躍泉

一作或躍

清漪碧浪遠浮天樓臺影就波

中出日月光疑鏡裏懸雁沼洄流成舜海龜書薦社應
堯年大川既濟慙為楫報德空思奉細涓

御定全唐詩卷一百四

欽定四庫全書薈要卷一萬七千五百十

集部

御定全唐詩卷一百五

辛替否

辛替否字協時京兆萬年人景龍中為左拾遺以直諫
名睿宗朝遷右臺殿中侍御史開元中終潁王府長史
詩一首

奉和九月九日登慈恩寺浮圖應制

洪慈均動植至德俯深玄出豫從初地登高適梵天白

雲飛御藻慧日暖

一作暖

皇編別有秋原藿長傾雨露緣

王景

王景太原人為司門員外郎萊州刺史詩一首

奉和九月九日登慈恩寺浮圖應制

玉輦移中禁珠梯覽四禪重階清漢接飛竇紫霄懸綴
葉披天藻吹花散御筵無因鑿蹕暇俱舞鶴林前

畢乾泰

畢乾泰景龍時人詩一首

奉和九月九日登慈恩寺浮圖應制

鸚鵡林花塔啟鳳輦順時遊重九
昭皇慶大千揚帝休耆
閣妙法闡王舍睿文流至德覃無極
小臣歌詎酬

麴瞻

麴瞻景龍時人詩一首

奉和九月九日登慈恩寺浮圖應制

扈蹕遊玄地陪仙瞰紫微似邁銖衣
却將同羽化飛雕
戈秋日麗寶劍曉霜霏獻觴乘菊序
長願奉天暉

樊忱

樊忱神龍初為地官侍郎詩一首

奉和九月九日登慈恩寺浮圖應制

淨境重陽節仙遊萬乘來插萸登鷺嶺把菊坐蜂臺十
地祥雲一作煙合三天瑞景閑秋風詞更遠竊抃樂康哉

孫佺

孫佺字麟德汝州人宰相處約子中宗時為幽州都督

詩一首

奉和九月九日登慈恩寺浮圖應制

應節萸房

一作香

滿初寒菊圃新龍旗煥辰極鳳駕儼香

闔蓮井偏宜夏梅梁

一作渠

更若春一忻陪鴈塔還似得

天身

李從遠

李從遠景龍時人詩一首

奉和九月九日登慈恩寺浮圖應制

九月從時豫三乘為法開中霄日天子半座寶如來摘

果珠盤獻攀黃玉輦迴願將塵露點遙奉光明臺

周利用

周利用中宗時與御史大夫鄭惟忠同送金城公主和蕃詩一首

奉和九月九日登慈恩寺浮圖應制

出豫乘金節飛文煥日宮萸房開聖酒杏

一作菊
一作柰

苑被

玄功塔向三天迴禪

一作池

收

一作將

八解空叨恩奉蘭藉

終愧洽薰風

張景源

張景源中宗時官補闕詩一首

奉和九月九日登慈恩寺浮圖應制

飛塔凌霄起宸遊一屆馬金壺新泛菊寶座即披蓮就
日搖香輦憑雲出梵天祥氛與佳色相伴雜鑪煙

李恒

李恒進士第官安陽令詩一首

奉和九月九日登慈恩寺浮圖應制

寶地隣一作臨

丹掖香臺瞰碧雲河

一作關

山天

一作江

外出

城闕樹中分
睿藻蘭英秀
仙杯菊蕊薰
願將今日樂
長

奉聖明君

張錫

張錫武城人文
琮子則天時
為鳳閣侍郎
同平章事請

還廬陵王坐流
循州韋后臨
朝復相旬日
出刺絳州詩

二首

奉和九月九日登慈恩寺浮圖應制

九秋霜景淨千門曉望通仙遊光御路瑞塔迴凌空菊
彩揚堯日萸香遶一作舜風天文麗辰象竊拊仰層宮

晦日宴高文學林亭

同用
華字

雪盡銅駝路花照石崇家年光開柳色池影汎雲華賞
洽情方遠春歸景未賒欲知多暇日尊酒漬澄霞

解琬

解琬魏州元城人中幽素科調新政尉除監察御史習
邊事景龍中遷御史大夫兼朔方行軍大總管守邊積

二十年開元中終同州刺史詩二首

奉和九月九日登慈恩寺浮圖應制

瑞塔臨初地金輿幸上方空邊有清淨覺處無馨香雨
霽微塵斂風秋定水涼茲辰采仙菊薦壽慶重陽

晦日宴高氏林亭

同用
華字

主第簪裾出王畿春照華山亭一以眺城闕帶煙霞橫
堤列錦帳傍浦駐香車歡娛屬晦節酌酎未還家

御定全唐詩卷一百五

欽定四庫全書薈要

御定全唐詩卷一百六

鄭愔

鄭愔字文靖滄州人年十七進士擢第天后時張易之兄弟薦為殿中侍御史易之敗貶宣州司戶既而附武三思累遷吏部侍郎後預譙王重福謀被誅詩一卷

侍宴長寧公主東莊應制

公門襲漢環

一作佩

主第稱秦玉池架祥鱣序

一作宇

山吹

鳴鳳曲拂席薜蘿垂迴舟芰荷觸平陽妙舞處日暮清
歌續

采蓮曲

錦絳

一作
樣

沙棠艦羅帶石榴裙綠潭采荷芰清江日稍

曛魚鳥爭唼花葉相分氤不覺芳

一作
相

洲暮菱

一作
棹

歌處處聞

夜遊曲

漢室歡娛盛魏國文雅道許史多暮宿應陳從夜遊西

園讌公子北里名王侯詎似將軍獵空嗟亭尉留

少年行

潁川豪橫客咸陽輕薄兒田竇方貴幸趙李新相知
軒蓋終朝集笙竽此夜吹黃金盈篋筭白日忽西馳

中宗降誕日長寧公主滿月侍宴應制

春殿猗蘭美仙階柏樹榮地逢芳節應時覩聖人生
月滿增祥莢天長發瑞靈南山遙可獻常願奉皇明

奉和幸上宮昭容院獻詩四首

地軸樓居遠天台闕路賒何如遊帝宅即此對仙家座

拂金壺電池搖玉酒霞無云

一作勞

秦漢隔別訪武陵花

堯茨

一作祠

姑射近漢苑建章連十五冀知月三千桃紀

年鸞

一作鸞

歌隨鳳吹鶴舞向鷗弦更覓瓊妃伴來過玉

女泉

宮掖賢才重山林高尚難不言辭輦地更有結廬歡池
棟清溫燠巖牕起沍寒幽亭有仙桂聖主萬年看

槎流天上轉茅宇禁中開河鵲填橋至山熊避檻來庭

花采葦蓐巖石步莓苔願奉輿圖泰長開錦翰裁
送金城公主適西蕃應制

下嫁戎庭遠和親漢禮優笳聲出虜塞簫曲背秦樓貴
主悲黃鶴征人怨紫騮皇情眷億兆割念俯懷柔

奉和幸望春宮送朔方大總管張仁亶

御蹕下都門軍麾出塞垣長楊跨武騎細柳接戎軒睿
曲風雲動邊威鼓吹喧坐帷將閫外俱是報明恩

奉和九月九日登慈恩寺浮圖應制

湧霄開寶塔倒影駐仙輿
鴈子乘堂處龍王起藏初
秋風聖主曲佳氣史官書
願獻重陽壽承歡萬歲餘

銅雀妓

日斜漳浦望風起鄴臺寒
玉座平生晚金尊妓吹闌舞
餘依帳泣歌罷向陵看蕭
索松風暮愁煙入井闌

胡笳曲

漢將留邊朔遙遙歲序深
誰堪牧馬思正是胡笳吟
曲斷關山月聲悲雨雪陰
傳書問一作蘇武陵也獨何心

折楊柳

青柳映紅顏黃雲蔽紫闌忽聞邊使出枝葉為君攀舞
腰愁欲斷春心望不還風花滾成雪羅綺亂斑斑

秋閨

征客向輪臺幽閨寂不開音書秋鴈斷機杼夜蛩催虛
幌風吹葉閒堦露濕苔自憐秋思影常共月裴回

人日重宴大明宮恩賜綵縷人勝應制

瓊殿含光映早輪玉鸞嚴蹕望初辰池開凍水仙宮麗

樹發寒花禁苑新
佳氣裊回籠
細網殘雲浙
澀染輕塵
良時荷澤皆迎勝
窮谷晞陽猶未春

奉和春日幸望春宮

晨蹕凌高轉翠旌
春樓望遠背朱城
忽排花上遊天苑
却坐雲邊看帝京
百草香心初冒蝶
千林嫩葉始藏鶯
幸同葵一作微霍傾陽早願比盤根應候榮

奉和幸三會寺應制

寺傳蒼頡造書臺

鳥籀遺新閣
龍旂訪古臺
造書臣頡往觀跡一作籍
帝義

來睿覽

一作法界

山川匝宸心宇宙該梵音隨駐輦天步接

乘杯舊苑經寒露殘池問劫灰散花將捧日俱喜聖慈

一作開詞

奉和幸大薦福寺

寺即中宗舊宅

舊邸三乘闢佳辰萬騎留蘭圖奉葉偈芝蓋拂花樓國
會人王法宮還天帝遊紫雲成寶界白水作禪流鴈塔

昌基遠鸚林睿藻

一作蕙草

抽欣承大風曲竊預小童謳

同韋舍人早朝

瑞闕龍居峻宸庭鳳掖深才良寄天綍趨拜侶朝簪飛
馬看來影喧車識駐音重軒輕霧入洞戶落花侵聞有
題新翰依然想舊林同聲慙卞主謬此托韋金

塞外三首

塞外蕭條望征人此路賒邊聲亂朔馬秋色引一作動胡

笳遙嶂侵歸日長城帶晚霞斷蓬飛古戍連鴈聚寒沙
海暗雲無葉山春雪作花丈夫期報主萬里獨辭家

荒壘三秋夕窮郊萬里平海陰疑獨樹日一作月氣下連

營戎飾霜旋

一作疑

重邊裘夜更輕將軍猶轉戰都尉不

成名折柳悲春曲吹笳斷夜聲明年漢使返須築受降

城

陽鳥南飛夜陰山北地寒漢家征戍客年歲在樓蘭王

塞

一作關

朔風起金河秋月團邊聲入鼓吹霜氣下旌竿

海外歸書斷天涯旅鬢殘子卿猶奉使常向節旄看

春怨

春朝物候妍愁婦鏡臺前風吹數蝶亂露洗百花鮮試

出塞羅幌還來著錦筵曲中愁夜夜樓上別年年不及
隨蕭史高飛向紫煙

貶降至汝州廣城驛

近郊憑汝海遐服指江干尚憶趨朝貴方知失路難曙
宮平樂遠秋澤廣城寒岼葦新花白山黎晚葉丹鄉關
千里暮歲序四時闌函塞雲間別旋門霧裏看夙年追
駮驥暮節仰鷄鸞疲鴛勞垂耳騫騰一作飛詎矯翰將調
梅鉉實不正李園冠荆玉終無玷隋珠忽已彈曉裝違

鞏洛夕夢在長安北土頻傷阮西征未學潘傾車無共
轍同派有殊瀾去去懷知己何由報一餐

哭郎著作

詩禮康成學文章賈誼才已年人得夢庚日鳥為災書

草藏天閣琴聲入夜臺荒階羅駁蘚虛座網一作滿浮埃

白馬賓徒散青鳥隴隧開空憐門下客一作悲涼懷舊

幾遲迴

詠黃鸝兒

欲轉聲猶溼將飛羽未調高風不借使何處得遷喬

百舌

百舌鳴高樹弄音無常則借問聲何煩末俗不尚默

御定全唐詩卷一百六

欽定四庫全書會要卷一萬七千五百十二

集部

御定全唐詩卷一百七

源乾曜

源乾曜相州臨漳人舉進士景雲中累遷諫議大夫開元初以太常卿姜皎薦拜少府少監兼邠王府長史尋遷戶部侍郎轉尚書左丞擢黃門侍郎同平章事進位侍中後拜尚書左丞相與張嘉貞張說相次知政事終太子少傅詩四首

奉和聖製送張說上集賢學士賜宴

賦得
迎字

盛業光書府徵人盡國英絲

一作
司

綸賢得相羣俊學為

名寵命垂天錫崇恩發睿情熏風清禁籞文殿述皇明

日霽庭陰出池曛

一作
新

水氣生歡娛此無限詩酒自相迎

奉和御製乾曜與張說宋璟同日上官命宴都

堂賜詩

睿作超千古湛恩育萬人遞遷俱

一作
齊

荷澤同拜忽為

鄰道合

一作
洽

徽音

一作
音徽

暢芳辰

一作
馳

景命新鼓鐘宗享

禮鶴鷺集朝倫竊位思官謗凋容謝木春慙多無以叙

拙備實

一作實

難陳進綬

一作級

懷三少承光盡百身自當

歸第日何幸列宮臣

奉和聖製送張尚書巡邊

匈奴邇河朔漢地須復

一作復

戎旅天子擇英才朝端出監

撫流星下閭闔寶鉞專公輔禮物生光輝宸章

一作意

備

思詡有征視

一作是

矛戟制勝唯樽俎彼美何壯哉桓桓

擅斯譽聲華振臺閣功德標文武奉國知命輕忘家以

身許安人在勤恤保大殫襟腑此外無異言同情報明
主

禪社首樂章

靈具醉杳熙熙靈將往眇禔禔願明德吐正詞爛遺光
流禎祺

徐堅

徐堅字元固湖州人舉進士聖歷中為東都留守判官
專主表奏王方慶稱為掌綸誥之選楊再思亦曰此鳳

閣舍人樣與徐彥伯劉知幾張說同修三教珠英構意
撰錄具有條流書成遷司封員外郎中宗時為給事中
睿宗朝自刑部侍郎拜散騎常侍開元中改麗正書院
為集賢院以堅為學士副張說知院事堅多識典故前
後修撰格式氏族及國史等凡七入書府又討集前代
文詞故實為初學記堅與父齊暉俱以詞學著聞長姑
為太宗充容次姑為高宗婕妤并有文藻議者方之漢
世班氏集三十卷今存詩九首

奉和聖製送張說赴集賢院學士賜宴賦得虛

字

宗文德化洽新殿集賢初庸菲忝高

嘉一作

選首濫承明

廬殊私光輔弼榮送列簪裾座引中廚饌杯錫上尊餘
翠葉濃丹苑晴空卷碧虛忝同文史地願草登封書

奉和聖製送張說巡邊

至德撫遐荒神兵赴朔方帝思元帥重爰擇股肱良累
相承安世

一作開地

深籌協子房寄崇專斧鉞禮備設壇場

鞀鼓喧雷電戈劔凜風霜四駢一作黃將戒道十乘啟先

行聖錫

一作賜

加恒數天文耀寵光出郊開帳飲寅饑盛

離章雨濯梅林潤風清

一作秋

麥野涼燕山應勒頌麟閣

佇名揚

奉和送金城公主適西蕃應制

星漢下天孫車服降殊蕃匣中詞易切馬上曲虛繁關
塞移朱帳風塵暗錦軒簫聲去日遠萬里望河源

餞許州宋司馬赴任

舊許星車轉神京祖帳開斷煙傷別望零雨送離杯辭
燕依空遠賓鴻入聽哀分襟與秋氣日夕共悲哉

餞唐永昌

郎官出宰赴伊瀍征傳駸駸灞水前此時悵望新豐道
握手相看共黯然

送考功武員外學士使嵩山置舍利塔歌

伊川別騎灞岸分筵對三春之花月覽千里之風煙望
青山兮分地見白雲兮在天寄愁心於樽酒愴離緒於

清弦共握手而相顧各銜一作悽而黯然

櫂歌行

櫂女飾銀鈎新妝下翠樓霜絲青桂檝蘭棹紫霞舟水
落金陵曙風起洞庭秋扣舷過曲浦飛帆越回流影入
桃花浪香飄杜若洲洲長殊未返蕭散雲霞晚日下大
江平煙生歸岬遠岬遠聞潮波爭途遊戲多因聲趙津
女來聽採菱歌

送武進鄭明府

絃歌試宰日城闕賞心違北謝蒼龍去南隨黃鵠飛夏
雲海中出吳山江上微
眈謠豈云遠從此慶緇衣

儀坤廟樂章

於穆清廟肅雍嚴祀合福受釐介以繁祉

源光裕

源光裕乾曜從孫累官中書舍人
刪定開元新格進尚書左丞
終鄭州刺史詩一首

祭汾陰樂章

方丘既膳嘉饗載謚齋敬畢誠陶匏貴質秀畢豐薦芳
芬一作俎盈實永永福流其升如日

御定全唐詩卷一百七

欽定四庫全書蒼要卷一萬七千五百十三

集部

御定全唐詩卷一百八

李元紘

李元紘字大綱京兆萬年人本姓丙氏曾祖粲率衆歸高祖因賜姓元紘初為雍州司戶太平公主占民碾磴元紘斷還民雍州長史竇懷貞懼勢促令改斷元紘大署判後曰南山可移此斷不可搖開元初擢京兆尹帝欲用為尚書執政以其資淺乃拜戶部侍郎尋進中書

侍郎同中書門下平章事元紘當國峻崖檢抑奔競家
無儲積宋璟嘗稱之詩三首

奉和聖製送張說上集賢學士賜宴

賦得
私字

碩儒延鳳沼金馬被鴻私饌王超

一作迴
一作還

丹禁牋花降紫

墀銜恩傾旨酒鼓舞詠康時暫覲

一作
搆

羣書緝逾昭盛

業丕接筵欣有命搦管媿無詞自驚一何幸太陽還及
葵

綠墀怨

征馬噪金珂
嫖姚向北河
綠苔行跡少
紅粉淚痕多
寶屋粘花絮
銀箏覆網羅
別君如昨日
青海雁頻過

相思怨

望月思氛氳
朱衾嬾更熏
春生翡翠帳
花點石榴鬚
燕語時驚妾
鶯啼更憶君
交河一萬里
仍隔數重雲

裴淮

裴淮絳州聞喜人
應大禮舉累官
監察御史三遷
中書舍人
開元中拜吏部侍郎
典選數年多所甄拔
再轉黃

門侍郎淮早與張說善說為相數薦之淮長於敷奏上亦自嘉重由是擢為吏部尚書太子賓客詩四首

奉和聖製送張說上集賢學士賜宴

賦得
昇字

問道圖書盛尊儒禮教興石渠因學廣金殿為賢昇日
月恩光照風雲寵命膺謀謨言可範舟楫事斯憑宴喜
明時洽光輝湛露凝大哉堯作主天下頌歌稱

奉和御製旋師喜捷

殊類驕無長王師示有征中軍纔受律妖寇已亡精斬

虜還遮塞綏降更築城從來攻必克天策振奇兵

奉和御製平胡

玄漠聖恩通由來書軌同忽聞窺月滿相聚寇雲中廟
略占黃氣神兵出絳宮將軍行逐虜使者亦和戎一舉
輶輶滅一作減再麾沙漠空直將威禁暴非用武為雄飲
至明軍禮醕勳錫武功干戈還載戢文德在唐風

奉和聖製龍池篇第十

乾坤啓聖吐龍泉泉水年年勝一年始看魚躍方成海

即覩飛龍利在天洲渚遙將銀漢接樓臺直與紫微連
休氣榮光恒不散懸知此地是神仙

劉昇

劉昇德威之後能文章善草隸官中書舍人詩一首

奉和聖製送張說上集賢學士賜宴

賦得
賓字

圖書應明主策府宴嘉賓台曜臨東壁乾光自北辰網
羅窮象繫述作究天人聖酒千鍾洽仙厨百味一作品陳

成山徒可仰涉海詎知津幸逢文教

一作雅

盛還覩頌聲

新

蕭嵩

蕭嵩梁宣帝裔孫初與陸象先為僚壻象先相門子嵩
尚未入仕相者曰陸郎十年內位極人臣然不及蕭郎
一門盡貴官高多壽景雲元年嵩為醴泉尉時象先已
為中書侍郎引為監察御史驟遷殿中開元初拜中書
舍人與王邱齊澣同列未之異獨姚崇許其致遠三遷
尚書左丞尋以兵部尚書節度河西以破吐蕃功入為

中書令遙領河西節度終太子太師年八十餘子衡尚
新昌公主以三品就養時論榮之詩二首

奉和聖製送張說上集賢學士賜宴

賦得
登字

帝曰

一作
日

簡才能旌賢在股肱文章體一變禮樂道逾

弘芸閣英華入賓門鷓鴣登恩筵

一作
筵

過所望聖澤實

超恒夏葉開紅藥

一作
蕊

餘花發紫藤微臣亦何幸叨此

預文朋

奉和御製左丞相說右丞相璟太子少傅乾曜

同日上官命宴都堂賜詩

審官思共理多士屬惟唐

一作誰當

歷選台庭舊來熙帝業

昌入朝師百辟論道協三光垂拱咨元老親賢輔少陽

登庸崇

一作崇榮

禮送寵德耀宸章御酒飛觴洽仙闈雅樂

張荷思思有報陳力媿無良願罄公忠節同心奉我皇

韋抗

韋抗安石從父兄子弱冠舉明經累官吏部郎中以清

謹著稱遷御史中丞開元中自左庶子出為益州長史

入拜黃門侍郎終刑部尚書所薦梁昇卿王倕王壽皆
為顯人詩一首

奉和聖製送張說上集賢學士賜宴

賦得
西字

廣庭臨辟沼多士侍金闈英宰文儒叶明君日月齊集
賢光首拜改殿一作賜發新題早夏初移律餘花尚拂溪
壺觴接雲上經術引闕西聖德鴻名遠將陪玉檢泥

李暉

李暉清河王孝節孫開元初汝州刺史入為太常少卿

三遷黃門侍郎兼太原尹仍充諸軍節度使俄拜工部
尚書東都留守持節使吐蕃既還金城公主請定漢蕃
界樹碑赤嶺以奉使稱職轉兵部尚書終太子少傅詩
一首

奉和聖製送張說上集賢學士賜宴

賦得
催字

偃武堯風接崇文漢道一作帝恢集賢更內殿清選自中

台佐命留侯業詞華博物才天廚

一作
昊天

千品降御酒

一作

夏百壺催鶴鷺方成列神仙喜暫陪復欣同拜首叨此

頌良哉

韋述

韋述京兆人家有書二千卷兒時記覽皆徧綴文操牘便就舉進士時甚少儀形眇小考功郎宋之問曰韋學士童年有何事業對曰性好著書之問曰本求異才果得遷固開元中詔馬懷素編次圖書乃奏用元行冲齊澣王珣吳兢并述等二十六人同於祕閣詳錄四部書五年而成述好譜學又於柳冲姓族系錄外撰開元譜

二十卷張說引為集賢院直學士累遷尚書工部侍郎
在書府四十年居史職二十年勒成國史事簡記詳蕭
穎士以為譙周陳壽之流後陷賊流渝州卒詩四首

奉和聖製送張說上集賢學士賜宴

賦得
華字

修文中禁啟改字

一作
物

令名加台座徵人傑書坊應國

華賦詩開廣宴賜酒酌流霞雲散明金闕池開照玉沙
掖垣留宿鳥溫樹落餘花謬此天光及銜恩醉日斜

晚渡伊水

悠悠涉伊水伊水清見石是時春向深兩岸草如積迢
迢望洲嶼逶迤亘津陌新樹落疎紅遙原上深碧回瞻
洛陽苑遠有長山隔煙霧猶辨家風塵已為客登陟多
異趣往來見行役雲起早已昏鳥飛日將夕光陰逝不
借超然慕疇昔遠游亦何為歸來存竹帛

春日山莊

初歲開韶月田家喜載陽晚晴搖水態遲景蕩山光浦
淨漁舟遠花飛樵路香自然成野趣都使俗情忘

廣陵送別宋員外佐越鄭舍人還京

一本題止
還京二字

張諤詩

一作

朱紱臨秦望皇華赴洛橋文章南渡越書奏北歸朝樹
入江雲盡城銜海月遙秋風將客思川上晚蕭蕭

陸堅

陸堅河南洛陽人善書初為汝州參軍再遷通事舍人
以給事中兼學士初名友悌明皇嘉其剛正更賜名為
中書舍人以集賢學士供儼太厚議白罷之張說曰麗

正乃天子禮樂之司所費細而所益者大陸生之言蓋未達耶帝知遂薄堅詩一首

奉和聖製送張說上集賢學士賜宴

賦得今字

聖主崇文教層霄降德音尊賢澤既厚式宴寵逾深復有夔龍相良哉簡帝心得人惟邁昔多士諒推今書殿榮光滿儒門喜氣臨顧惟誠一作濫吹徒此接衣簪

句

千秋節應制

風移覃土宇雲上浹羣臣

海錄
碎事

程行謨

程行謨與鄆縣尉裴子餘同舍行謨以文法稱而子餘以儒顯長史陳宗業曰蘭菊異芬無可廢者詩一首

奉和聖製送張說上集賢學士賜宴

賦得
迴字

聖主崇文化鏘鏘得盛才
相因歸夢立殿以集賢開象
繫微言闡詩書至道該堯尊承帝澤禹膳自天來禮洽
歡逾長風恬暑更迴國朝將舜頌同是一康哉

褚琇

褚琇開元時人詩一首

奉和聖製送張說上集賢學士賜宴

賦得
風字

講習延東觀趨陪盛北宮惟師恢帝則敷教叶天工宣

室恩嘗異金華禮更崇洞門清永日華綬接微一作風

菱降堯廚翠榴開舜酒紅文思光萬宇高議待升中

裴光庭

裴光庭字連城絳州聞喜人行儉之子母庫狄氏則天

時召入宮甚見親待光庭由是累遷太常丞以武三思
壻坐貶郢州司馬開元中擢兵部郎中從東封還拜中
書侍郎同平章事從謁諸陵拜侍中兼吏部尚書加弘
文館學士撰瑤山往則維城前規二篇獻之手制褒美
其為吏部因行儉長名榜為循資格并促選限任門下
省主事閻麟之專主選官每麟之裁定光庭隨而下筆
時人語曰麟之手光庭口博士孫琬以其用循資格非
獎勸之道謚為克詩一首

奉和御製左丞相說右丞相璟太子少傅乾曜

同日上官命宴都堂賜詩

時為兵部侍郎

樂賢聞往誥褒德偶茲辰端揆升元老師謀擇累仁紫
庭崇讓畢粉署禮容陳既荷恩榮舊俱承寵命新天文
懸瑞色聖酒汎華茵雜遝喧一作簫鼓歡娛洽搢紳掖
垣招近侍虛薄側清塵共保堅貞節常期雨露均

宇文融

宇文融京兆萬年人明辨有吏幹開元初拜監察御史

充使搜括戶口奏置勸農判官十人分行天下頗擾人
不便進御史中丞出為魏州刺史請復九河舊道開稻
田以利人迴易陸運入為鴻臚卿兼戶部侍郎轉黃門
侍郎同中書門下平章事薦宋璟為右丞相裴耀卿許
景先為侍郎甚允朝廷之望未幾罷相坐事貶嚴州卒
詩一首

奉和聖製左丞相說右丞相璟太子少傅乾曜
同日上官命宴都堂賜詩

申甫生周日宣慈舉舜年何如偶昌運比德邁前賢寵

獲一作護

元良密榮瞻端揆遷職優三事老位在

極一作

百

僚先北極迴宸渥南宮飾御筵飛文瑤扎降賜酒玉杯傳

謬列台衡重俱承雨露偏擔將同竭力相與効塵涓

紀事

云融為張說所惡欲先事中傷說張九齡謂說融辯給多詐不可忽說曰狗鼠何能其後乃與崔隱甫廷効說受賕事帝詔說致仕而出融詩有誓將同竭力相與効塵涓之語欣附說之辭也

崔沔

崔沔字善冲京兆長安人事親至孝應制舉高第俄被

黜落者所援則天令所司重試沔對策又工於前為天
下第一岑羲器之曰今之郊詵也特薦為左補闕開元
中拜中書侍郎出為魏州刺史徵還分掌十銓以清直
歷祕書監太子賓客沔深明禮經詳定宗廟籩豆之數
及六親服紀多所建議詩一首

奉和聖製同二相已下羣官樂游園宴

五日醮纔畢千年樂未央復承天所賜

一作錫

終宴國

一作

園之陽地勝春逾好恩深樂更張落花飛廣座垂柳拂

一作搖

行觴庶尹陪三史

一作吏

諸侯具萬方酒酣同拊躍歌

舞詠時康

崔尚

崔尚登久視六年進士第官祠部郎中詩一首

奉和聖製同二相已下羣臣樂游園宴

春日照長安皇恩寵庶官合錢承罷宴賜帛復追歡供

帳憑高列城池入迴寬花催相國醉

一作飲

鳥和樂人彈

北闕雲中見南山樹杪看樂游宜締賞舞詠惜將闌

胡皓

胡皓開元中人張孝嵩出塞皓與張九齡韓休崔沔王翰賀知章撰送行詩號朝英集詩六首

奉和聖製同二相以下羣官樂游園宴

五醔終宴集三錫又歡娛仙阜崇高異神州眺覽殊南
山臨皓雪北闕對明珠廣座鷓鴣滿昌庭駟馬趨綺羅
含草樹一作木絲竹吐郊衢銜杯不能罷歌舞樂唐虞

奉和聖製送張尚書巡邊

燕公為漢將武德奉文思利用經戎莽英圖叶聖詔塞
沙制長策窮石卷搖旗萬里要相賀三邊又在茲稜威
方逐逐談笑坐怡怡寵餞紛郊道充廚竭御司嘗醪企
行邁聽樂罷漣沍袞旒垂翰墨纓鞋迭賦詩金山無積
阻玉樹有華滋請迨炎風暮歸旌候此時

和宋之問寒食題臨江驛

聞道山陰會仍為火忌辰途中甘棄日江上苦傷春流
水翻催淚寒灰更伴人丹心終不改白髮為誰新

出峽

巴東三峽盡曠望九江開楚塞雲中出荆門水上來魚
龍潛嘯雨鳧雁動成雷南國秋風晚客思幾悠哉

同蔡孚起居詠鸚鵡

一作裴
淮詩

鸚鵡殊姿致鸞皇得比肩常尋金殿裏每話玉階前賈
誼才方達揚雄老未遷能言既有地何惜為聞天

大漠行

單于犯薊堞虜騎略蕭邊南山木葉飛下地北海蓬根

亂上天科斗連營太原道魚麗合陣武威川三軍遙倚
伏萬里相馳逐旌旆悠悠靜潮源鞀鼓喧喧動盧谷窮
微出幽陵吁嗟倦寢興馬蹄凍溜石胡毳煖生冰雲沙
泱泱天光閉河塞陰沉海色凝崆峒北一作異國誰能託

蕭索邊心常不樂近見行人畏白龍遙聞公主愁黃鶴
陽春半岐路間瑤臺苑玉門關百花芳樹紅將歇二月
蘭皋綠未還陣雲不散魚龍水雨雪猶飛鴻鵠一作雁山

山嶂懸連那

一作不

可極路遠辛勤夢顏色北堂萱草不

寄來東園桃李長相憶漢將紛紜攻戰盈胡寇蕭條幽
朔清韓昌拜節偏知送鄭吉驅旌坐見迎火絕煙沈左
一作西極谷靜山空右一作北平但得將軍能百勝不
須天子築長城

御定全唐詩卷一百八